



## საქართველოს კანონი

### საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ

**მუხლი 1.** საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. 32-ე მუხლის:

ა) პირველი ნაწილი ჩამოყალიბდეს შემდეგი რედაქციით:

„1. ადმინისტრაციული პატიმრობა დადგინდება და გამოიყენება მხოლოდ გამონაკლის შემთხვევებში, ადმინისტრაციული სამართალდარღვევისთვის, 60 დღემდე ვადით. პირს ადმინისტრაციულ პატიმრობას შეუფარდებს სასამართლო.“;

ბ) მე-3 ნაწილი ჩამოყალიბდეს შემდეგი რედაქციით:

„3. ადმინისტრაციული პატიმრობა არ შეიძლება შეეფარდოს ორსულ ქალს, დედას, რომელსაც ჰყავს 12 წლამდე ასაკის ბავშვი, 18 წლის ასაკს მიუღწეველ პირს, მკვეთრად ან მნიშვნელოვნად გამოხატული შეზღუდული შესაძლებლობის მქონე პირს.“.

2. 35-ე მუხლი ჩამოყალიბდეს შემდეგი რედაქციით:

**„მუხლი 35. ადმინისტრაციული სამართალდარღვევისთვის პასუხისმგებლობის დამამძიმებელი გარემოებები**

ადმინისტრაციული სამართალდარღვევისთვის პასუხისმგებლობის დამამძიმებელ გარემოებად ითვლება:

ა) მართლსაწინააღმდეგო ქცევის განგრძობა, საამისოდ უფლებამოსილი პირების მიერ მისი შეწყვეტის მოთხოვნის მიუხედავად;

ბ) წლის განმავლობაში ერთგვაროვანი სამართალდარღვევის განმეორებით ჩადენა, რომლის გამოც პირს უკვე დაედო ადმინისტრაციული სახდელი ან ამ კოდექსის შესაბამისად გამოეცხადა სიტყვიერი შენიშვნა;

გ) სამართალდარღვევის ნასამართლევი პირის მიერ ჩადენა;

- დ) სამართალდარღვევაში არასრულწლოვანის ჩაბმა;
- ე) სამართალდარღვევის არასრულწლოვანის მიმართ ან მისი თანდასწრებით ჩადენა;
- ვ) სამართალდარღვევის პირთა ჯგუფის მიერ ჩადენა;
- ზ) სამართალდარღვევის დაზარალებულის პირადი ღირსების შეურაცხყოფით ჩადენა;
- თ) სამართალდარღვევის სტიქიური უბედურების პირობებში, სხვა საგანგებო გარემოების დროს ჩადენა;
- ი) სამართალდარღვევის ალკოჰოლის ან ნარკოტიკული, ფსიქოტროპული ან ახალი ფსიქოაქტიური ნივთიერების ზემოქმედების ქვეშ ჩადენა;
- კ) სამართალდარღვევის დაზარალებულის სამსახურებრივ ან საზოგადოებრივ საქმიანობასთან დაკავშირებით ჩადენა.“.

3. 38-ე მუხლის მე-2 ნაწილი ჩამოყალიბდეს შემდეგი რედაქციით:

„2. თუ კანონით სხვა რამ არ არის გათვალისწინებული, ადმინისტრაციული სამართალდარღვევის ჩამდენს (სამართალდამრღვევს) იმ ადმინისტრაციული სამართალდარღვევის ჩადენისთვის განსაზღვრული ადმინისტრაციული სახდელი, რომლის საქმეც რაიონული (საქალაქო) სასამართლოს განსჯადია, შეიძლება დაედოს აღნიშნული ადმინისტრაციული სამართალდარღვევის ჩადენის დღიდან არაუგვიანეს 6 თვისა, ხოლო როდესაც ადმინისტრაციული სამართალდარღვევა დენადია – მისი გამოვლენის დღიდან არაუგვიანეს 6 თვისა.“.

4. 39-ე მუხლი ჩამოყალიბდეს შემდეგი რედაქციით:

**„მუხლი 39. ვადა, რომლის გასვლის შემდეგაც პირი ადმინისტრაციულსახდელდაუდებლად ითვლება**

1. თუ ადმინისტრაციულსახდელდადებულ პირს ამ სახდელის მოხდის დღიდან 1 წლის განმავლობაში არ ჩაუდენია ახალი ადმინისტრაციული სამართალდარღვევა, იგი ადმინისტრაციულსახდელდაუდებლად ჩაითვლება, გარდა ადმინისტრაციული სახდელის სახით ჯარიმის დაკისრების შემთხვევისა.

2. ადმინისტრაციული სახდელის სახით ჯარიმის დაკისრების შემთხვევაში პირი ადმინისტრაციულსახდელდაუდებლად ჩაითვლება, თუ იგი ჯარიმის დაკისრების დღიდან 1 წლის განმავლობაში არ ჩაიდენს ახალ ადმინისტრაციულ სამართალდარღვევას, გარდა ამ მუხლის მე-3 ნაწილით გათვალისწინებული შემთხვევისა.

3. ამ კოდექსის 150-ე, 150<sup>2</sup>, 166-ე, 166<sup>2</sup>, 173-ე, 173<sup>16</sup> და 174<sup>1</sup> მუხლებით გათვალისწინებული ადმინისტრაციული სამართალდარღვევის ჩადენისთვის ადმინისტრაციული სახდელის სახით ჯარიმის დაკისრების შემთხვევაში პირი ადმინისტრაციულსახდელდაუდებლად ჩაითვლება ჯარიმის სრულად გადახდიდან 1 წლის გასვლის შემდეგ.“.

5. 116-ე მუხლის:

ა) მე-3 ნაწილი ჩამოყალიბდეს შემდეგი რედაქციით:

„3. იმ პირის მიერ, რომელსაც დადებული აქვს ამ ნაწილით ან ამ მუხლის პირველი, მე-2 ან მე-7 ნაწილით გათვალისწინებული ადმინისტრაციული სახდელი, ამ მუხლის პირველი, მე-2 ან მე-7 ნაწილით გათვალისწინებული ადმინისტრაციული სამართალდარღვევის სატრანსპორტო

საშუალების მართვის უფლების შეჩერების პერიოდში ჩადენა –

გამოიწვევს მძღოლის დაჯარიმებას 2 000 ლარის ოდენობით, ადმინისტრაციულ პატიმრობას 5 დღიდან 15 დღემდე ვადით და სატრანსპორტო საშუალების მართვის უფლების შეჩერების ვადის 1 წლით გაზრდას.“;

ბ) მე-8 ნაწილი ჩამოყალიბდეს შემდეგი რედაქციით:

„8. ამ მუხლის პირველი–მე-6 ნაწილებით გათვალისწინებული რომელიმე ადმინისტრაციული სამართალდარღვევის ჩადენასთან ერთად სატრანსპორტო საშუალების, ტვირთის, გზის, საგზაო ან სხვა ნაგებობის, სხვა ქონების ან ადამიანის ჯანმრთელობის მსუბუქი დაზიანება, როდესაც:

ა) მძღოლს არ აქვს სატრანსპორტო საშუალების მართვის უფლება, –

გამოიწვევს მძღოლის დაჯარიმებას 3 000 ლარის ოდენობით და ადმინისტრაციულ პატიმრობას 10 დღიდან 15 დღემდე ვადით;

ბ) მძღოლს სატრანსპორტო საშუალების მართვის უფლება შეჩერებული აქვს ამ კოდექსით ან სხვა საკანონმდებლო აქტით გათვალისწინებული სამართალდარღვევის ჩადენისთვის, –

გამოიწვევს მძღოლის დაჯარიმებას 3 000 ლარის ოდენობით, ადმინისტრაციულ პატიმრობას 10 დღიდან 15 დღემდე ვადით და სატრანსპორტო საშუალების მართვის უფლების შეჩერების ვადის 3 წლით გაზრდას.“.

6. 166-ე მუხლის პირველი და მე-2 ნაწილები ჩამოყალიბდეს შემდეგი რედაქციით:

„1. წვრილმანი ხულიგნობა – საჯარო სივრცეში ლანძღვა-გინება, მოქალაქეებზე შეურაცხმყოფელი გადაკიდება და სხვა ამგვარი მოქმედება, რომელიც არღვევს საზოგადოებრივ წესრიგს ან/და მოქალაქეთა სიმშვიდეს, –

გამოიწვევს დაჯარიმებას 500 ლარიდან 3 000 ლარამდე ოდენობით ან ადმინისტრაციულ პატიმრობას 20 დღემდე ვადით.

2. ამ მუხლით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამავე მუხლით განსაზღვრული ადმინისტრაციული სამართალდარღვევის ჩადენა –

გამოიწვევს დაჯარიმებას 3 000 ლარიდან 5 000 ლარამდე ოდენობით ან ადმინისტრაციულ პატიმრობას 5 დღიდან 60 დღემდე ვადით.“.

7. 166<sup>2</sup> მუხლის მე-2 ნაწილი ჩამოყალიბდეს შემდეგი რედაქციით:

„2. ამ მუხლით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამავე მუხლით განსაზღვრული ადმინისტრაციული სამართალდარღვევის ჩადენა –

გამოიწვევს დაჯარიმებას 2 000 ლარის ოდენობით ან ადმინისტრაციულ პატიმრობას 60 დღემდე ვადით.“.

8. 173-ე მუხლი ჩამოყალიბდეს შემდეგი რედაქციით:

„მუხლი 173. სამართალდამცავი ორგანოს თანამშრომლის, სამხედრო მოსამსახურის, სახელმწიფო დაცვის სპეციალური სამსახურის თანამშრომლის, აღსრულების პოლიციელის, სპეციალური პენიტენციური სამსახურის, საქართველოს იუსტიციის სამინისტროს გენერალური ინსპექციის ან ამავე სამინისტროს მმართველობის სფეროში მოქმედი საჯარო

სამართლის იურიდიული პირის – დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოს მოსამსახურის ან მასთან გათანაბრებული პირის კანონიერი განკარგულებისადმი ან მოთხოვნისადმი დაუმორჩილებლობა, ან ამ პირის მიმართ სხვა კანონსაწინააღმდეგო ქმედების განხორციელება

1. სამსახურებრივი მოვალეობის შესრულების დროს სამართალდამცავი ორგანოს თანამშრომლის, სამხედრო მოსამსახურის, სახელმწიფო დაცვის სპეციალური სამსახურის თანამშრომლის, აღსრულების პოლიციელის, სპეციალური პენიტენციური სამსახურის, საქართველოს იუსტიციის სამინისტროს გენერალური ინსპექციის ან ამავე სამინისტროს მმართველობის სფეროში მოქმედი საჯარო სამართლის იურიდიული პირის – დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოს მოსამსახურის ან მასთან გათანაბრებული პირის კანონიერი განკარგულებისადმი ან მოთხოვნისადმი დაუმორჩილებლობა –

გამოიწვევს დაჯარიმებას 2 000 ლარიდან 5 000 ლარამდე ოდენობით ან ადმინისტრაციულ პატიმრობას 60 დღემდე ვადით.

2. სამართალდამცავი ორგანოს თანამშრომლის, სამხედრო მოსამსახურის, სახელმწიფო დაცვის სპეციალური სამსახურის თანამშრომლის, აღსრულების პოლიციელის, სპეციალური პენიტენციური სამსახურის, საქართველოს იუსტიციის სამინისტროს გენერალური ინსპექციის ან ამავე სამინისტროს მმართველობის სფეროში მოქმედი საჯარო სამართლის იურიდიული პირის – დანაშაულის პრევენციის, არასაპატიმრო სასჯელთა აღსრულებისა და პრობაციის ეროვნული სააგენტოს მოსამსახურის ან მასთან გათანაბრებული პირის სიტყვიერი შეურაცხყოფა, ლანძღვა-გინება, მასზე შეურაცხმყოფელი გადაკიდება ან/და მის მიმართ სხვაგვარი შეურაცხმყოფელი ქმედების განხორციელება სამსახურებრივი მოვალეობის შესრულების დროს ან სამსახურებრივი მოვალეობის შესრულებასთან დაკავშირებით (გარდა საქართველოს სისხლის სამართლის კოდექსით გათვალისწინებული შემთხვევისა) –

გამოიწვევს დაჯარიმებას 2 000 ლარიდან 5 000 ლარამდე ოდენობით ან ადმინისტრაციულ პატიმრობას 60 დღემდე ვადით.

3. ამ მუხლის პირველი ან მე-2 ნაწილით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამავე მუხლით განსაზღვრული რომელიმე ადმინისტრაციული სამართალდარღვევის ჩადენა –

გამოიწვევს დაჯარიმებას 3 500 ლარიდან 6 000 ლარამდე ოდენობით ან ადმინისტრაციულ პატიმრობას 7 დღიდან 60 დღემდე ვადით.

#### შენიშვნა:

1. ამ მუხლით გათვალისწინებული ადმინისტრაციული სამართალდარღვევის ჩადენისთვის პირს ჩამოერთმევა იარაღის ტარების უფლება 3 წლამდე ვადით.

2. ამ მუხლის მე-3 ნაწილით გათვალისწინებული ადმინისტრაციული სამართალდარღვევის ჩადენის შემთხვევაზე არ ვრცელდება ამ კოდექსის 22-ე მუხლის მოქმედება.“.

9. კოდექსს დაემატოს შემდეგი შინაარსის 173<sup>16</sup> მუხლი:

„მუხლი 173<sup>16</sup>. საქართველოს სახელმწიფო-პოლიტიკური თანამდებობის პირის, პოლიტიკური თანამდებობის პირის, სახელმწიფო მოსამსახურის, სახელმწიფო მოსამსახურესთან გათანაბრებული პირის ან/და საჯარო მოსამსახურის სიტყვიერი შეურაცხყოფა, ლანძღვა-გინება, მასზე შეურაცხმყოფელი გადაკიდება ან/და მის მიმართ

**სხვაგვარი შეურაცხყოფელი ქმედების განხორციელება სამსახურებრივი მოვალეობის შესრულების დროს ან სამსახურებრივი მოვალეობის შესრულებასთან ან საქმიანობასთან დაკავშირებით**

1. საქართველოს სახელმწიფო-პოლიტიკური თანამდებობის პირის, პოლიტიკური თანამდებობის პირის, სახელმწიფო მოსამსახურის, სახელმწიფო მოსამსახურესთან გათანაბრებული პირის ან/და საჯარო მოსამსახურის სიტყვიერი შეურაცხყოფა, ლანძვარ-გინება, მასზე შეურაცხყოფელი გადაკიდება ან/და მის მიმართ სხვაგვარი შეურაცხყოფელი ქმედების განხორციელება სამსახურებრივი მოვალეობის შესრულების დროს ან სამსახურებრივი მოვალეობის შესრულებასთან ან საქმიანობასთან დაკავშირებით (გარდა საქართველოს სისხლის სამართლის კოდექსით გათვალისწინებული შემთხვევისა) –

გამოიწვევს დაჯარიმებას 1 500 ლარიდან 4 000 ლარამდე ოდენობით ან ადმინისტრაციულ პატიმრობას 45 დღემდე ვადით.

2. ამ მუხლის პირველი ნაწილით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამავე მუხლით განსაზღვრული რომელიმე ადმინისტრაციული სამართალდარღვევის ჩადენა –

გამოიწვევს დაჯარიმებას 2 500 ლარიდან 6 000 ლარამდე ოდენობით ან ადმინისტრაციულ პატიმრობას 5 დღიდან 60 დღემდე ვადით.

#### **შენიშვნა:**

1. ამ მუხლით გათვალისწინებული ადმინისტრაციული სამართალდარღვევის ჩადენისთვის პირს ჩამოერთმევა იარაღის ტარების უფლება 3 წლამდე ვადით.

2. ამ მუხლის პირველი ნაწილით გათვალისწინებული ადმინისტრაციული სამართალდარღვევის ჩადენის შემთხვევაზე არ ვრცელდება ამ კოდექსის 22-ე მუხლის მოქმედება.“.

10. 174<sup>1</sup> მუხლი ჩამოყალიბდეს შემდეგი რედაქციით:

#### **„მუხლი 174<sup>1</sup>. შეკრების ან მანიფესტაციის ორგანიზებისა და ჩატარების წესის დარღვევა**

1. „შეკრებისა და მანიფესტაციების შესახებ“ საქართველოს კანონის მე-5 და მე-8 მუხლებით გათვალისწინებული შეკრების ან მანიფესტაციის ორგანიზებისა და ჩატარების წესის დარღვევა –

გამოიწვევს დაჯარიმებას 2 000 ლარის ოდენობით.

2. იმავე ქმედების შეკრების ან მანიფესტაციის ორგანიზატორის მიერ ჩადენა –

გამოიწვევს დაჯარიმებას 5 000 ლარის ოდენობით.

3. ამ მუხლით გათვალისწინებული რომელიმე ქმედების ჩადენისთვის სახდელდადებული პირის მიერ ამავე მუხლის პირველი ან მე-2 ნაწილით გათვალისწინებული ქმედების განმეორებით ჩადენა –

გამოიწვევს დაჯარიმებას 6 000 ლარის ოდენობით ან ადმინისტრაციულ პატიმრობას 60 დღემდე ვადით.

4. სასამართლოს შესასვლელის ბლოკირება, შეკრების ან მანიფესტაციის მოსამართლის საცხოვრებელ ადგილას ან საქართველოს საერთო სასამართლოში ჩატარება –

გამოიწვევს დაჯარიმებას 5 000 ლარის ოდენობით ან ადმინისტრაციულ პატიმრობას 60 დღემდე ვადით.

5. „შეკრებებისა და მანიფესტაციების შესახებ“ საქართველოს კანონის მე-9 მუხლით, მე-11 მუხლით (გარდა მე-11 მუხლის მე-2 პუნქტის „ა<sup>1</sup>“, „ა<sup>2</sup>“ და „ზ“ ქვეპუნქტებისა) და 11<sup>1</sup> მუხლით გათვალისწინებული ნორმების დარღვევა –

გამოიწვევს სამართალდამრღვევის დაჯარიმებას 5 000 ლარის ოდენობით ან ადმინისტრაციულ პატიმრობას 15 დღემდე ვადით, სამართალდარღვევის საგნის კონფისკაციით, ხოლო თუ სამართალდამრღვევი ორგანიზატორია – 15 000 ლარის ოდენობით ან ადმინისტრაციულ პატიმრობას 20 დღემდე ვადით, სამართალდარღვევის საგნის კონფისკაციით.

6. ამ მუხლით გათვალისწინებული რომელიმე ქმედების ჩადენისთვის სახდელდადებული პირის მიერ ამავე მუხლის მე-5 ნაწილით გათვალისწინებული ქმედების განმეორებით ჩადენა –

გამოიწვევს სამართალდამრღვევის დაჯარიმებას 5 000 ლარიდან 10 000 ლარამდე ოდენობით ან ადმინისტრაციულ პატიმრობას 25 დღემდე ვადით, სამართალდარღვევის საგნის კონფისკაციით, ხოლო თუ სამართალდამრღვევი ორგანიზატორია – მის დაჯარიმებას 15 000 ლარიდან 20 000 ლარამდე ოდენობით ან ადმინისტრაციულ პატიმრობას 60 დღემდე ვადით, სამართალდარღვევის საგნის კონფისკაციით.

7. „შეკრებებისა და მანიფესტაციების შესახებ“ საქართველოს კანონის მე-11 მუხლის მე-2 პუნქტის „ა<sup>1</sup>“ და „ა<sup>2</sup>“ ქვეპუნქტებით გათვალისწინებული ნორმების დარღვევა –

გამოიწვევს სამართალდამრღვევის დაჯარიმებას 2 000 ლარის ოდენობით ან ადმინისტრაციულ პატიმრობას 7 დღემდე ვადით, სამართალდარღვევის საგნის კონფისკაციით.

8. ამ მუხლის მე-7 ნაწილით გათვალისწინებული ქმედების განმეორებით ჩადენა –

გამოიწვევს სამართალდამრღვევის დაჯარიმებას 2 000 ლარიდან 5 000 ლარამდე ოდენობით ან ადმინისტრაციულ პატიმრობას 20 დღემდე ვადით, სამართალდარღვევის საგნის კონფისკაციით.

9. „შეკრებებისა და მანიფესტაციების შესახებ“ საქართველოს კანონის მე-11 მუხლის მე-2 პუნქტის „ზ“ ქვეპუნქტით გათვალისწინებული ნორმის დარღვევა –

გამოიწვევს სამართალდამრღვევის დაჯარიმებას 5 000 ლარის ოდენობით ან ადმინისტრაციულ პატიმრობას 60 დღემდე ვადით.

### **შენიშვნა:**

1. ამ მუხლით გათვალისწინებული ადმინისტრაციული სამართალდარღვევის ჩადენისთვის პირს ჩამოერთმევა იარაღის ტარების უფლება 3 წლამდე ვადით.

2. ამ მუხლით გათვალისწინებული ადმინისტრაციული სამართალდარღვევის ჩადენისთვის ადმინისტრაციულსახდელდადებული პირის მიერ ამავე მუხლით განსაზღვრული ქმედების ჩადენის შემთხვევაზე არ ვრცელდება ამ კოდექსის 22-ე მუხლის მოქმედება.“.

11. 208-ე მუხლი ჩამოყალიბდეს შემდეგი რედაქციით:

**„მუხლი 208. რაიონული (საქალაქო) სასამართლოს განსჯადი ადმინისტრაციულ სამართალდარღვევათა საქმეები**

რაიონული (საქალაქო) სასამართლო განიხილავს იმ ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 43-ე მუხლის მე-2 ნაწილით, 43<sup>1</sup>-44<sup>3</sup>, 44<sup>5</sup>, 44<sup>7</sup>-44<sup>11</sup>, 45-ე-46<sup>4</sup>, 48-ე, 49-ე, 50<sup>1</sup>, 51-ე-55<sup>1</sup>, 55<sup>3</sup>, 55<sup>4</sup>, 56-ე, 57-ე-59-ე, 59<sup>2</sup>-მე-60, 60<sup>3</sup>-61<sup>1</sup>, 63-ე-65-ე, 66-ე-69-ე, 69<sup>4</sup>, 69<sup>6</sup>, 71-ე, 71<sup>1</sup>, 72<sup>1</sup>-77-ე, 78-ე და 79<sup>1</sup>-79<sup>3</sup> მუხლებით, 79<sup>4</sup> მუხლით (გარდა ამ კოდექსის 79<sup>4</sup> მუხლის მე-2-მე-5 ნაწილებისა), 79<sup>5</sup>-მე-80, 82<sup>1</sup>-82<sup>5</sup>, 84-ე-86-ე, 87<sup>1</sup>-89<sup>3</sup>, 91<sup>2</sup>, 91<sup>3</sup>, 94-ე, 95-ე, 99-ე, 100<sup>1</sup>, 100<sup>2</sup>, 103<sup>1</sup>, 104-ე და 105<sup>1</sup> მუხლებით, 116-ე მუხლის მე-3, მე-5, მე-6, მე-8 და მე-9 ნაწილებით, 116<sup>4</sup> მუხლის მე-2 ნაწილით, 116<sup>5</sup> მუხლის მე-2 ნაწილით, 116<sup>6</sup> მუხლის მე-2 ნაწილით, 116<sup>7</sup> მუხლის მე-2 ნაწილით, 127<sup>1</sup> მუხლის მე-5 ნაწილით, 128<sup>1</sup>-128<sup>6</sup>, 143-ე, 144-ე, 144<sup>10</sup>, 145-ე და 150-ე მუხლებით, 151-ე მუხლის პირველი და მე-2 ნაწილებით, 153-ე და 153<sup>1</sup> მუხლებით, 153<sup>3</sup> მუხლის მე-2 და მე-5 ნაწილებით, 153<sup>5</sup> მუხლით, 153<sup>6</sup> მუხლის მე-2 და მე-5 ნაწილებით, 154-ე-154<sup>2</sup>, 155<sup>1</sup> და 155<sup>2</sup> მუხლებით, 155<sup>3</sup> მუხლის მე-11-მე-20 ნაწილებით, 155<sup>6</sup> მუხლის მე-3-მე-5 ნაწილებით, 155<sup>7</sup>-156-ე და 157<sup>1</sup>-158<sup>1</sup> მუხლებით, 158<sup>5</sup> მუხლის მე-3 და მე-4 ნაწილებით, 159<sup>4</sup>-159<sup>10</sup>, 163-ე, 164-ე, 164<sup>4</sup>, 165<sup>1</sup>-165<sup>3</sup>, 166-ე და 166<sup>1</sup> მუხლებით, 166<sup>2</sup> მუხლის მე-2 ნაწილით, 170<sup>1</sup> მუხლით, 171-ე მუხლის მე-3 ნაწილით, 171<sup>2</sup>-171<sup>4</sup> მუხლებით, 171<sup>5</sup> მუხლის პირველი, მე-2, მე-4-მე-6, მე-8 და მე-9-მე-18 ნაწილებით, 172-ე, 172<sup>4</sup>-172<sup>6</sup>, 173-ე, 173<sup>4</sup>-173<sup>7</sup>, 173<sup>9</sup> და 173<sup>14</sup>-173<sup>16</sup> მუხლებით, 174<sup>1</sup> მუხლის მე-3, მე-4, მე-6, მე-8 და მე-9 ნაწილებით, 174<sup>15</sup> მუხლის მე-4 ნაწილით, 175<sup>1</sup> და 175<sup>2</sup> მუხლებით, 177-ე მუხლის მე-4, მე-5, მე-8, მე-12 და მე-13 ნაწილებით, 177<sup>8</sup>, 177<sup>9</sup>, 177<sup>11</sup> და 177<sup>12</sup> მუხლებით, 177<sup>13</sup> მუხლით (მხოლოდ ამ კოდექსის 245-ე მუხლის 4<sup>1</sup> ნაწილით გათვალისწინებულ შემთხვევაში), 178-ე, 179<sup>1</sup>-179<sup>3</sup>, 181<sup>6</sup>, 183-ე, 187-ე, 187<sup>1</sup>, 189-ე, 192-ე, 195-ე, 196<sup>3</sup>, 196<sup>6</sup> და 197<sup>1</sup> მუხლებით, 197<sup>3</sup> მუხლის მე-2 ნაწილითა და 199<sup>1</sup> მუხლით, აგრეთვე საქმეებს ამ კოდექსის 208<sup>1</sup> მუხლის შესაბამისად უფლებამოსილი პირის მიერ რაიონულ (საქალაქო) სასამართლოში წარდგენის შემთხვევაში.“.

## 12. 209-ე მუხლის:

ა) პირველი ნაწილი ჩამოყალიბდეს შემდეგი რედაქციით:

„1. საქართველოს შინაგან საქმეთა ორგანოები განიხილავენ ადმინისტრაციულ სამართალდარღვევათა საქმეებს, რომლებიც გათვალისწინებულია ამ კოდექსის 42<sup>10</sup>, 58<sup>3</sup>, 86<sup>1</sup>, 107<sup>1</sup>-107<sup>3</sup>, 107<sup>5</sup>, 108-ე, 114<sup>1</sup>, 114<sup>2</sup> და 115<sup>1</sup> მუხლებით, 116-ე მუხლით (გარდა ამ კოდექსის 116-ე მუხლის მე-3, მე-5, მე-6, მე-8 და მე-9 ნაწილებისა), 116<sup>1</sup>-116<sup>3</sup> მუხლებით, 116<sup>4</sup> მუხლის პირველი ნაწილით, 116<sup>5</sup> მუხლის პირველი ნაწილით, 116<sup>6</sup> მუხლის პირველი ნაწილით, 116<sup>7</sup> მუხლის პირველი ნაწილით, 116<sup>8</sup>, 118-ე-118<sup>4</sup>, 119-ე და 120-ე-123-ე მუხლებით, 125-ე მუხლით (გარდა ამ კოდექსის 125-ე მუხლის მე-16 ნაწილისა), 127-ე მუხლით, 127<sup>1</sup> მუხლის პირველი-2<sup>2</sup> და მე-6-7<sup>2</sup> ნაწილებით, 128-ე მუხლის პირველი და მე-2 ნაწილებით, 129<sup>1</sup> მუხლით, 131-ე მუხლით (საავტომობილო ტრანსპორტზე ჩადენილი ადმინისტრაციული სამართალდარღვევებისთვის), 134-ე, 135<sup>2</sup>-135<sup>4</sup>, 139<sup>5</sup>, 152<sup>7</sup> და 152<sup>8</sup> მუხლებით, 153<sup>3</sup> მუხლის პირველი, მე-3 და მე-4 ნაწილებით, 153<sup>6</sup> მუხლის პირველი, მე-3 და მე-4 ნაწილებით, 155-ე და 156<sup>2</sup>-156<sup>4</sup> მუხლებით, 166<sup>2</sup> მუხლის პირველი ნაწილით, 167-ე და 170-ე მუხლებით, 171-ე მუხლის პირველი და მე-2 ნაწილებით, 171<sup>1</sup> მუხლით (ყველა დაწესებულების (გარდა საქართველოს თავდაცვის ძალებისა და პენიტენციური დაწესებულებისა), სატრანსპორტო საშუალების (გარდა რკინიგზის, საზღვაო და საჰაერო ტრანსპორტისა) მძღოლის, რკინიგზის, საზღვაო და საჰაერო ტრანსპორტის მესაკუთრის/მფლობელის, აგრეთვე ფიზიკური პირის მიმართ (გარდა ფიზიკური პირის მიერ რკინიგზის ტრანსპორტში ჩადენილი ადმინისტრაციული სამართალდარღვევისა)), 174<sup>1</sup> მუხლის პირველი, მე-2, მე-5 და მე-7 ნაწილებით, 174<sup>15</sup> მუხლით (გარდა ამ კოდექსის 174<sup>15</sup> მუხლის მე-4 ნაწილისა), 174<sup>16</sup>-174<sup>18</sup>, 176<sup>1</sup> და 176<sup>3</sup> მუხლებით, 177-ე მუხლით (გარდა ამ

კოდექსის 177-ე მუხლის მე-4, მე-5, მე-8, მე-12 და მე-13 ნაწილებისა) და 177<sup>15</sup>, 180-ე-181<sup>1</sup>, 181<sup>3</sup>-181<sup>5</sup>, 182-ე-182<sup>2</sup>, 190-ე, 190<sup>2</sup>-191<sup>1</sup> და 198<sup>3</sup> მუხლებით.“;

ბ) 2<sup>1</sup> ნაწილი ჩამოყალიბდეს შემდეგი რედაქციით:

„2<sup>1</sup>. ამ კოდექსის 42<sup>10</sup>, 86<sup>1</sup>, 114<sup>2</sup>, 152<sup>7</sup> და 152<sup>8</sup> მუხლებით, 153<sup>3</sup> მუხლის პირველი, მე-3 და მე-4 ნაწილებით, 153<sup>6</sup> მუხლის პირველი, მე-3 და მე-4 ნაწილებით, 171<sup>1</sup> მუხლით (ყველა დაწესებულების (გარდა საქართველოს თავდაცვის ძალებისა და პენიტენციური დაწესებულებისა), სატრანსპორტო საშუალების (გარდა რკინიგზის, საზღვაო და საჰაერო ტრანსპორტისა) მძღოლის, რკინიგზის, საზღვაო და საჰაერო ტრანსპორტის მესაკუთრის/მფლობელის, აგრეთვე ფიზიკური პირის მიმართ (გარდა ფიზიკური პირის მიერ რკინიგზის ტრანსპორტში ჩადენილი ადმინისტრაციული სამართალდარღვევისა)), 174<sup>1</sup> მუხლის პირველი, მე-2, მე-5 და მე-7 ნაწილებით, 174<sup>17</sup> და 174<sup>18</sup> მუხლებით, 177-ე მუხლის პირველი, მე-2-მე-3, მე-6-მე-7, მე-9-მე-11 და მე-14 ნაწილებითა და 177<sup>15</sup>, 190-ე და 190<sup>2</sup> მუხლებით გათვალისწინებული ადმინისტრაციული სამართალდარღვევის ჩადენისას, თუ შესაბამისი ადმინისტრაციული სამართალდარღვევა ადმინისტრაციულ გამოკვლევას არ საჭიროებს, საქართველოს შინაგან საქმეთა სამინისტროს უფლებამოსილი პირი ამ ადმინისტრაციული სამართალდარღვევის საქმეს ადგილზე განიხილავს და სამართალდამრღვევს ადგილზევე ადებს ადმინისტრაციულ სახდელს.“.

13. 209<sup>3</sup> მუხლის პირველი ნაწილი ჩამოყალიბდეს შემდეგი რედაქციით:

„1. ამ კოდექსის 46<sup>5</sup>, 46<sup>6</sup>, 55<sup>2</sup>, 55<sup>5</sup>, 55<sup>6</sup>, 77<sup>1</sup> და 77<sup>2</sup> მუხლებით, 82<sup>5</sup> მუხლით (პლასტიკის და ბიოდეგრადირებადი პარკების რეალიზაციის ნაწილში), 103-ე და 107<sup>2</sup>-107<sup>4</sup> მუხლებით, 114<sup>2</sup> მუხლის მე-6 ნაწილით, 125-ე მუხლის მე-8 და მე-12-მე-16 ნაწილებით, 125<sup>2</sup>-125<sup>4</sup> მუხლებით, 130-ე მუხლის მე-4 ნაწილის „ა“ ქვეპუნქტით, 134<sup>1</sup>, 135-ე-135<sup>5</sup>, 146<sup>1</sup>, 148-ე და 150-ე-150<sup>3</sup> მუხლებით, 151-ე მუხლის მე-3 ნაწილით, 151<sup>1</sup>, 151<sup>2</sup>, 152-ე და 152<sup>2</sup>-152<sup>9</sup> მუხლებით, 153<sup>3</sup> მუხლის პირველი, მე-3 და მე-4 ნაწილებით, 153<sup>4</sup> მუხლით, 153<sup>6</sup> მუხლის პირველი, მე-3 და მე-4 ნაწილებით, 153<sup>9</sup>, 156<sup>1</sup>, 158<sup>3</sup> და 158<sup>4</sup> მუხლებით, 158<sup>5</sup> მუხლის პირველი და მე-2 ნაწილებით, 159-ე და 159<sup>1</sup> მუხლებით, 166<sup>2</sup> მუხლის პირველი ნაწილით, 172<sup>8</sup> და 172<sup>9</sup> მუხლებითა და 172<sup>10</sup> მუხლის პირველი და მე-2 ნაწილებით გათვალისწინებულ ადმინისტრაციულ სამართალდარღვევათა საქმეებს ამ კოდექსის 290<sup>6</sup> მუხლის გათვალისწინებით განიხილავს მუნიციპალიტეტის წარმომადგენლობითი ორგანოს მიერ განსაზღვრული მუნიციპალიტეტის მერიის სტრუქტურული ერთეული ან მუნიციპალიტეტის წარმომადგენლობითი ორგანოს მიერ უფლებამოსილი ფიზიკური პირი ან იურიდიული პირი.“.

14. 231-ე მუხლი ჩამოყალიბდეს შემდეგი რედაქციით:

**„მუხლი 231. ადმინისტრაციულ სამართალდარღვევათა საქმეების წარმოების წესი**

1. ადმინისტრაციულ სამართალდარღვევათა საქმეების იმ ორგანოებში (თანამდებობის პირების მიერ) წარმოების წესი, რომლებიც უფლებამოსილი არიან განიხილონ ადმინისტრაციულ სამართალდარღვევათა საქმეები, დგინდება ამ კოდექსითა და საქართველოს სხვა ნორმატიული აქტებით.

2. ადმინისტრაციულ სამართალდარღვევათა საქმეების სასამართლოებში წარმოების წესი დგინდება ამ კოდექსით, საქართველოს ადმინისტრაციული საპროცესო კოდექსითა და საქართველოს სხვა საკანონმდებლო აქტებით.“.

15. კოდექსს დაემატოს შემდეგი შინაარსის 233<sup>1</sup> მუხლი:

**„მუხლი 233<sup>1</sup>. შეჯიბრებითობა და სასამართლოს მიერ ადმინისტრაციული სამართალდარღვევის საქმის გარემოებების გამოკვლევა**

1. სასამართლოში ადმინისტრაციული სამართალდარღვევის საქმის წარმოება ხორციელდება მხარეთა თანასწორობისა და შეჯიბრებითობის საფუძველზე. მხარეს უფლება აქვს, დააყენოს შუამდგომლობა, მოიპოვოს, სასამართლოს მეშვეობით გამოითხოვოს, წარადგინოს და გამოიკვლიოს ყველა შესაბამისი მტკიცებულება.

2. სასამართლო უფლებამოსილია თავისი ინიციატივით მიიღოს გადაწყვეტილება დამატებითი ინფორმაციის ან მტკიცებულების წარმოსადგენად.“.

16. 236-ე მუხლის:

ა) სათაური ჩამოყალიბდეს შემდეგი რედაქციით:

„მტკიცებულებები და სამართალდარღვევის მტკიცების ტვირთი ადმინისტრაციული სამართალდარღვევის საქმის წარმოების დროს“;

ბ) მე-2 ნაწილის შემდეგ დაემატოს შემდეგი შინაარსის მე-3 ნაწილი:

„3. სამართალდარღვევის მტკიცების ტვირთი ეკისრება ადმინისტრაციული სამართალდარღვევის საქმის მწარმოებელ ადმინისტრაციულ ორგანოს.“.

17. 237-ე მუხლი ჩამოყალიბდეს შემდეგი რედაქციით:

**„მუხლი 237. მტკიცებულების შეფასება**

1. არცერთ მტკიცებულებას არ აქვს წინასწარ დადგენილი ძალა. ადმინისტრაციული სამართალდარღვევის საქმის განმხილველი ორგანო (თანამდებობის პირი), რომელიც კანონითა და მართლშეგნებით ხელმძღვანელობს, მტკიცებულებას აფასებს თავისი შინაგანი რწმენით, რომელიც ემყარება საქმის ყველა გარემოების ერთობლივ, ყოველმხრივ, სრულ და ობიექტურ გამოკვლევას.

2. მტკიცებულების შეფასების დროს წარმოშობილი ეჭვი, რომელიც არ დადასტურდება საქართველოს კანონმდებლობით დადგენილი წესით, უნდა გადაწყდეს პასუხისგებაში მიცემული პირის სასარგებლოდ.“.

18. 239-ე მუხლის მე-13 ნაწილი ჩამოყალიბდეს შემდეგი რედაქციით:

„13. ამ კოდექსის 42<sup>10</sup>, 45-ე, 45<sup>1</sup>, 58<sup>3</sup>, 86<sup>1</sup>, 100<sup>2</sup>, 107-ე, 107<sup>5</sup>, 114<sup>1</sup>, 114<sup>2</sup>, 115<sup>1</sup>, 116-ე–116<sup>8</sup>, 118-ე–118<sup>4</sup> და 119-ე–123-ე მუხლებით, 125-ე მუხლით (გარდა ამ კოდექსის 125-ე მუხლის მე-16 ნაწილისა), 127-ე მუხლით, 127<sup>1</sup> მუხლის პირველი–2<sup>2</sup> და მე-6–7<sup>2</sup> ნაწილებითა და 134-ე, 135<sup>2</sup>–135<sup>4</sup>, 139<sup>5</sup>, 150-ე, 152<sup>7</sup>, 152<sup>8</sup>, 153<sup>3</sup>, 153<sup>6</sup>, 166-ე, 166<sup>2</sup>, 167-ე, 173-ე, 173<sup>14</sup>–173<sup>16</sup>, 174<sup>1</sup>, 174<sup>15</sup>–174<sup>18</sup>, 175<sup>2</sup>, 176<sup>1</sup>, 176<sup>3</sup>, 177-ე, 177<sup>1</sup>, 177<sup>15</sup>, 180-ე–181<sup>5</sup>, 182-ე–183-ე, 190-ე, 190<sup>2</sup>, 191-ე და 199<sup>1</sup> მუხლებით გათვალისწინებული ადმინისტრაციული სამართალდარღვევის ჩადენის შემთხვევაში შესაბამისი ადმინისტრაციული სამართალდარღვევის ოქმს ადგენს საქართველოს შინაგან საქმეთა ორგანო.“.

19. 240-ე მუხლის 2<sup>1</sup> ნაწილი ჩამოყალიბდეს შემდეგი რედაქციით:

„2<sup>1</sup>. საქართველოს შინაგან საქმეთა სამინისტროს უფლებამოსილი პირის მიერ შედგენილ ადმინისტრაციული სამართალდარღვევის ოქმში აღინიშნება: მისი შედგენის თარიღი და

ადგილი; ოქმის შემდგენის თანამდებობა, სახელი და გვარი; მონაცემები სამართალდამრღვევის პიროვნების შესახებ, მათ შორის, მისი პირადი ნომერი ან საიდენტიფიკაციო ნომერი; ადმინისტრაციული სამართალდარღვევის ჩადენის ადგილი, დრო და არსი; ნორმატიული აქტი, რომელიც ითვალისწინებს პასუხისმგებლობას ამ სამართალდარღვევის ჩადენისთვის; მოწმის ან/და დაზარალებულის (არსებობის შემთხვევაში) სახელი, გვარი და მისამართი; ადმინისტრაციული სამართალდარღვევის საქმის გადასაწყვეტად საჭირო სხვა ინფორმაცია. ამ ნაწილით გათვალისწინებული ადმინისტრაციული სამართალდარღვევის ოქმის ფორმა მტკიცდება საქართველოს შინაგან საქმეთა მინისტრის ბრძანებით.“.

20. 242-ე მუხლს დაემატოს შემდეგი შინაარსის მე-6 ნაწილი:

„6. საქართველოს შინაგან საქმეთა სამინისტროს უფლებამოსილი პირის მიერ გამოცემულ ელექტრონულ საჯარიმო ქვითარს ხელს აწერს მისი გამომცემი უფლებამოსილი პირი. ელექტრონული საჯარიმო ქვითარი სამართალდამრღვევისთვის ჩაბარებულად ჩაითვლება უფლებამოსილი პირის მიერ მისი ამობეჭდვის შემთხვევაში.“.

21. 244-ე მუხლს დაემატოს შემდეგი შინაარსის მე-3 ნაწილი:

„3. სამართალდამრღვევის იდენტიფიცირების მიზნით შეიძლება განხორციელდეს „პოლიციის შესახებ“ საქართველოს კანონის მე-20 მუხლით გათვალისწინებული იდენტიფიკაციის ღონისძიებები, მათ შორის, მის შესახებ მონაცემები გადამოწმდეს საქართველოს შინაგან საქმეთა სამინისტროს საინფორმაციო ბაზებსა და სპეციალურ ელექტრონულ პროგრამაში.“.

22. 248-ე მუხლის მე-2 ნაწილი ჩამოყალიბდეს შემდეგი რედაქციით:

„2. პირის პირადი გასინჯვა შეიძლება აწარმოოს საამისოდ უფლებამოსილმა პირმა, რომელიც გასასინჯი პირის სქესისაა. პირადი გასინჯვა შესაძლებელია ჩატარდეს დამსწრის თანდასწრებით.“.

23. 262-ე მუხლის 1<sup>1</sup> და მე-2 ნაწილები ჩამოყალიბდეს შემდეგი რედაქციით:

„1<sup>1</sup>. ამ კოდექსის 45-ე, 45<sup>1</sup>, 166-ე, 173-ე და 173<sup>16</sup> მუხლებით გათვალისწინებულ ადმინისტრაციულ სამართალდარღვევათა საქმეები განიხილება 3 დღის ვადაში. ადმინისტრაციული სამართალდარღვევის საქმის განმხილველი რაიონული (საქალაქო) სასამართლო ზეპირ განხილვას იწყებს დაუყოვნებლივ, ადმინისტრაციული სამართალდარღვევის ოქმისა და ადმინისტრაციული სამართალდარღვევის საქმის წარმოების სხვა მასალების მიღებისთანავე, თუ პირის მიმართ გამოყენებულია ადმინისტრაციული დაკავება და ამოწურული არ არის ადმინისტრაციული დაკავების ვადა.“.

2. ამ კოდექსის 171-ე და 175<sup>2</sup> მუხლებით გათვალისწინებულ ადმინისტრაციულ სამართალდარღვევათა საქმეები განიხილება 1 დღე-ღამის ვადაში, ამ კოდექსის 116-ე მუხლის მე-3, მე-5, მე-6, მე-8 და მე-9 ნაწილებით, 142-ე და 154-ე მუხლებით, 174<sup>1</sup> მუხლის მე-3, მე-4, მე-6, მე-8 და მე-9 ნაწილებითა და 174<sup>2</sup> მუხლით გათვალისწინებულ ადმინისტრაციულ სამართალდარღვევათა საქმეები – 3 დღის ვადაში, ხოლო ამ კოდექსის 50<sup>1</sup>, 51<sup>1</sup>, 51<sup>3</sup>, 53<sup>3</sup>, 55-ე, 55<sup>2</sup>, 55<sup>3</sup>, 55<sup>5</sup>, 55<sup>6</sup>, 58<sup>2</sup>, 59<sup>2</sup>, 61-ე და მე-80 მუხლებით, 86-ე მუხლის მე-9 და მე-10 ნაწილებით, 88-ე, 91<sup>2</sup>, 92<sup>1</sup>, 94-ე, 95-ე, 96<sup>1</sup>, 96<sup>2</sup>, 96<sup>4</sup>, 99-ე, 100<sup>1</sup>, 100<sup>2</sup>, 103-ე, 104-ე, 105<sup>1</sup>, 107<sup>1</sup>, 141-ე, 143-ე–144<sup>1</sup>, 144<sup>3</sup>–144<sup>5</sup>, 144<sup>10</sup>, 145-ე, 146<sup>1</sup>, 148-ე–150<sup>1</sup>, 151<sup>1</sup>, 152-ე, 152<sup>2</sup>–152<sup>9</sup>, 153-ე, 154<sup>1</sup>, 154<sup>2</sup>, 156-ე–158<sup>1</sup>, 159-ე, 159<sup>5</sup>–159<sup>9</sup>, 163-ე, 164-ე, 166<sup>1</sup>, 167-ე, 170-ე, 174-ე და 175-ე მუხლებით, 177-ე მუხლის მე-4, მე-5, მე-8, მე-12 და მე-13 ნაწილებით, 177<sup>1</sup> მუხლით, 177<sup>13</sup> მუხლით (მხოლოდ ამ კოდექსის 245-ე მუხლის 4<sup>1</sup> ნაწილით გათვალისწინებულ შემთხვევაში) და 179<sup>1</sup>, 180-ე–183<sup>1</sup>, 185-ე–185<sup>2</sup>, 187-ე, 187<sup>1</sup>, 189-ე, 192-ე, 195-ე, 196<sup>3</sup>, 196<sup>6</sup> და 197<sup>1</sup> მუხლებით გათვალისწინებულ ადმინისტრაციულ

სამართალდარღვევათა საქმეები – 7 დღის ვადაში.“.

24. 266-ე მუხლს დაემატოს შემდეგი შინაარსის 1<sup>1</sup> ნაწილი:

„1<sup>1</sup>. ადმინისტრაციული სამართალდარღვევის საქმეზე გამოტანილი დადგენილება უნდა იყოს კანონიერი, დასაბუთებული და სამართლიანი.“.

25. 272-ე მუხლს დაემატოს შემდეგი შინაარსის მე-8 ნაწილი:

„8. ადმინისტრაციული სამართალდარღვევის საქმეზე გამოტანილი დადგენილების/გამოწერილი საჯარიმო ქვითრის უკანონობის ან/და დაუსაბუთებლობის მტკიცების ტვირთი სააპელაციო სასამართლოში ეკისრება აპელანტს.“.

26. 295-ე მუხლის პირველი ნაწილის „ა“ ქვეპუნქტი ჩამოყალიბდეს შემდეგი რედაქციით:

„ა) აღმასრულებელი – ამ კოდექსის 208-ე მუხლით გათვალისწინებული ადმინისტრაციული სამართალდარღვევის ჩადენისას; საქართველოს შინაგან საქმეთა ორგანოს უფლებამოსილი პირი – ამ კოდექსის 167-ე მუხლით, 174<sup>1</sup> მუხლის მე-5 და მე-7 ნაწილებით, 180-ე მუხლით, 180<sup>1</sup> მუხლის მე-5 ნაწილით, 181-ე მუხლის მე-3 ნაწილით, 181<sup>1</sup> და 181<sup>3</sup>-181<sup>5</sup> მუხლებით, 182-ე მუხლის მე-5 ნაწილითა და 182<sup>1</sup> და 183<sup>1</sup> მუხლებით გათვალისწინებული ადმინისტრაციული სამართალდარღვევის ჩადენისას;“.

**მუხლი 2.** ეს კანონი ამოქმედდეს გამოქვეყნებისთანავე.

საქართველოს პრეზიდენტი



მიხეილ ყაველაშვილი

თბილისი,

6 თებერვალი 2025 წ.

N273-IIმს-XIმპ